

鶴慶縣志

卷一
之下

卷一之下

地理志

子部

名勝

子之十

邱墓

子之十一

鶴慶縣志

鶴慶縣志卷一下

名勝 子之十

石寶天光 俗謂之佛光或現於晝或現於夜晝見者

每歲二八月微雨新霽夕陽初麗見梵羅錦雲綢子

一白宛如玉地有大圓光倚立玉地之上外暈數重

每重五色環中虛明如鏡凝視者各見自身於鏡中

毛髮可數若旁人雖至近不能見攝身光也夜見者

必至中秋夜無纖毫雲霧滓穢太清然後自月中流
出一點約有彈丸大中外明瑩如水晶漸下漸散成
一白圓光懸空中須臾又有小如螢者大如盤盂者
累累自月中墜一點一圓光與前所流下同懸一處
從石竇高處視之如數百枚玉環搖拽於碧虛間移
時散作銀絲縷縷盤旋首尾交合作一太極圈素彩
奪目滿川澄澈似一小銀河照見自身若鏡中影同

遊雖多有一人見餘人或不見眾人皆見一人獨不

見故亦謂之佛光

讓朝郡守佟鎮石寶天光行平地一川山四面石寶一峯人爭羨焉

耳之東象嶺北雪竇雲門名獨擅我來渾疑路不通
逕轉峰迴臺一線盤空老樹日無光岩石出沒孤根
纏側身陡下逕千尺澗底罡風吹白練須臾日氣落
晚雲五色紛披成綵綺千形萬態不雷同造物結
窮殊變遊人如入五都市左顧右盼神欲
眩回頭試問從頭路諸峯羅列儼一片

螺峰野色

峯純石斗絕不可上形如螺又如佛頂

髻登其頂四望原野見江如帶田疇如折盈環郡諸山

隱隱來赴如屏幙村舍出沒如倪迂寒林圖雲氣如

鶴鵠迴翔林莽間差可淨人耳目亦郡之大觀也

郡字

佟鎮螺峰野色歌朝登螺髻瞰蛟河東方日出漾金
波四面峯連盡迴抱始知佳色此峯多羣山難還總
在下如擁劍佩抱鸞坡下方竹陌田可井郭邊村舍
如綦羅縈青綠白江天暮四五閒人坐綠莎融融面
氣虛空窄江草江花瞥眼過是時秋霖雨初晴水紋
黛色明瑳瑳把酒臨風酌白雲頓忘朱紱參漁蓑脩
然清肅辭人吏遙
向江村起浩歌

漾江烟柳江形如蛟龍每里許一折每折必逆回屈

曲如玉環遊人擡舟其中經一環約六七里夾岸皆
秀柳夭桃每歲春時柳初舒眉間桃花點綴江潄綠
烟紅雨從堤上倒映水中消麗兩絕郡人有載笙歌
遊覽者有賦詩歌嘯咏者往來如在錦繡中又如坐
鏡中蓋一江也仰視則春在枝頭俯矚則天在水底
武陵源何必在漁人問津處耶

郡守佟鎮溪江烟柳
行漾弓江上春雲輕

綠柳紅桃歷波平又老遊春載酒行細草橋邊聽歌
聲君不見平蕪原廣鶴陽城樹以桑麻教力耕不聞

歲歲有徵丁天子御極憂邊氓百僚奉職賢
且貞天地曠哉景物明敞向春江聽鳥鳴

鏡潭雪石

在拱面山高數十仞可卜陰晴自踵及頂

皆奇石巘嵒有如禽而伏者獸而蹲者方如圭而圓
如璧者橫斜如劍而不可犯者氣象萬千大都以骨
勝而不以肉勝也石色白望之如積雪與下白龍潭
水輝映如鏡遊人從水雲中往來倦則登清虛閣而
憇焉郡守馬卿觴於此醉以袍袖濡墨書三大字於

石壁曰雪石巖並題聯曰玉石凌空積雪千年常不

掃金波倒影遊人五月欲生寒

郡守佟鎮鏡臺雪石歌我我石疊片峯

初疑蹙縮仍龍從就中高者勢挈雲卑如小宗峙大
宗斧劈雲頭堆眾數咫尺疊嶂成千重鬼剗神鑿百
竅鑿自是天巧非人工一湖嵌根深無底石色水色
澄秋空水石迤邐邇村郭外人家家都住畫屏中我昔曾
登華山頂攀躋未饜心忡忡至今見山愛彷彿況乃
此巖摩青穹人誰淨掃岩下石看我兩腋下習習兮
生清風舉杯
摩挲青芙蓉

天池夜月在仰止山側天池寺中殿佛座下池釐以

磚石泉甚甘冽澄澈可鑒鬚眉每年中秋夜從池中
現一月輪水漸變為碧色久之清光自水中出一室
皎然雖微物亦可辨識郡守佟鎮天池夜月歌池中
乞真月清影入夜爽影不生
月中月不在天上如何窗檻裏相照鬚眉朗謂水善
於取池空月何往謂月善於與東嶺尚渺茫取與兩
無闕令我
生遠想

龍華迴照

即龍華寺在東山之凹巒聳峯迴朝陽不

及日夕迴照則泉石花鳥之奇殊為奪目

郡守佟鎮
龍華迴照

歌爭道龍華之奇奇在山遠山近山烟霧環又道
奇在石兼在水水石激蕩聲潺潺借問最奇安在
今知奇在夕陽來夕陽翻出山光采天宇晶晶絕
初時乍見萬山紫似綺如霞射山趾須臾一場
碧其浮如拭無渣滓餘光又向松間落一枝每具一
邱壑我身高立最勝園眼底胸中如茗淪無何遠
忽鳴鼓夕陽西下窗飛雨颼颼
風勢竹蒼巖塔上一鈴獨自語

澄潭竹樹

潭名小西湖其先密箐也一夜水泛成海

廣袤約十里許奇石玲瓏聳峭無一不堪下拜者

面植荷花開時宛然一幅西子照鏡圖每當夕陽時

一泓澄碧如水晶盤凝視不見其底有竹修修然參
差於老樹間在水最深處飄搖如荇菜然冬春開放
梅花一兩枝似可以手採取即以舟篙觸之深不可

及有修撰楊升菴同侍御李中谿載繩一舟以鐵鉤
繫繩鉤取枝葉繩沒盡竟不能至竹樹所收繩量之
足六十丈嘆為奇觀題澄潭竹樹四大字並詩兩絕

而返

郡守佟鎮澄潭竹樹歌樂蒙石骨切肪白千尺
掃底動泉脈深藏老竹四五枝正與梅花佐高

格梅竹依稀，有奇色。豈是水師工，潑墨諦視如從。
上裁載，綆之不可得。綆之不得，可奈何。珍珠深，絕
在巖阿，若能水面收搭。
起不異圖，書出洛河。

玄化曉鐘

玄化寺在城內西南隅，為郡屬叢林之最。

古者環左右，非官署即市廛。或汲汲為名，或孳孳為
利。終日勞擾，自朝至昏，夜曾無已時。即息，偃在牀而
不次之遷，不資之獲。猶時縈於寤寐，一聲鐘動，黃葉
夢醒。時則萬慮俱清，覺人世所謂勢位富厚，不可忽。

之端均屬儻來於已身實無加毫末則發人深省疏
鐘一杵何殊臨濟之當頭一棒耶炎熱界中得此一
服清涼散彼滋補之參苓朮附舉不足與爭功也已
郡守佟鎮玄化晚鐘歌邊城十月曉霜寒民事攢心
睡未安被衣手抱枯桐坐頓覺心和境亦寬小童勸
我且停手試聽疎鐘響風滿壓雲走月山為摧擊碎
珊瑚落玉盤須臾風颺聲隨起萬戶千門爛霞綺風
定餘音猶繹如浙浙淙淙不能止正
是琴聲掩抑時洗我從來箏笛耳

右郡八景

梅城 在治西觀音山舊列八景中計共梅三百餘
株環列成城花時冉冉如白雲初起上有三石塔負
山屹立本豐而末銳四稜方正無歇斜色類丹砂蔭
然而中立者高百尺許其二約各高三丈許為左右
翼中空如屋遊人從其空處扳援而上至頂平敞如
丈室可坐六七八人洞隙儼如窗櫺下視梅城如坐白
雲中飄乎其欲仙也塔極周正外滑澤而內玲瓏非

人間斧鑿所能施亦異境矣明博南山人楊升菴氏
錫客於此題曰天生石塔又曰梅塢寫梅花百咏於
其中

小西湖 在治西南百二十里龍門舍其西丹崖壁立
根挿水底每當夕陽西下霞光四射崖影倒映湖
中崖有毘盧觀音二閣強半鑿石為之憑欄俯瞰茫
然萬頃遊人至此恍疑身在天上焉

雪石巖

在治西為郡八景之一詳見鏡潭雪石註

郡守周贊北山雪石詩極目雲岑絕點塵碑碣
殆相親梅花共嚼清心骨丹藥同烹漱齒新晴
緣風日淨巖密已絕虎豺躡登臨疑是崑崙曲
量晴卜入神馬卿詩連山白石閣嶠屹層疊瑤
裡看積雪萬年長不掃游人五月苦生寒郡人
逍雪石巖詩面峙鬚眉淡臨流襟帶涼行來分
坐久盡空香對客思鸚鵡登臺憶
鳳凰樓前重問字孤壁森秋霜

落水洞

在城南二十里象眠山下即贊陀咀

念珠洩水處

讓朝郡人趙士圻落水洞歌鶴陽舊名
蒙統羅四山迴合高峩峩中瀾淵潭